

曹日縣志

第九冊

卷十五

論音志

御製

特贈

勅褒

卷十六

舊藝文志上

經子

詩賦

勅諭
諭祭

詔頌

曹州府曹縣志卷之十五

綸音志

御製 勅諭 特贈
諭祭 勅褒

王者憲天昭以彝訓神人同被大小隨分考乎鐘鼎

縹緗自近德音既貺龍光競奮國有琬琰家賁令聞

唐虞賡歌商周誓誥載在六經且前列典籍近代
追封孔門諸賢宸翰炳赫然藏于國史及闕里全
書舊志并書茲不復及惟舉
人地攸關以為方志云爾

宋眞宗伊尹廟碑贊 有序

始就於桀以勸人臣之志後歸於湯以濟天下之
難咸有一德敷祐萬方大節昭明明嗣王服其訓餘
慶不墜令子成其家舊禮攸存明祀新享
朕因駢蹕永用懷賢聊復刻銘庶幾旌善

成湯之仁溥率來賓阿衡之忠天輔成功民難既平

曹縣志

卷十五 御製

嘉謨實眞王室不衰大訓可知蘋蘩之祭傳于永世

金石之刻表予褒德

高宗冉雍贊

懿德賢行有一則尊子也履之成性存存駢角有用

犁牛莫論刑政之言惠施元元

明成祖咏晉卞壺父子詩 有序

德莫大於忠孝而事莫難於殺身蓋身者父母之
遺體不可以不愛焉惟於君父之難則死之此所
以為忠與孝也卞壺之沒王事也其子眡眡皆死
焉壺死於其職宜矣眡眡獨不愛其生哉誠以父
既殞沒而已不可以自全也故必捐生以赴之於
是父死於前子死於後父為君以殺身既無媿於
為臣子為父而殞命復不媿於為子忠孝之道兼
全具美宜其顯膺寵贈以垂譽於無窮也

此生本自賴君親臨難如何可愛身縱使糜驅鋒刃
下高風猶得重彝倫

父將一死報君恩二子臨戎忍自存慷慨相隨同日
盡千秋忠孝表清門

咏隋孝子翟普林詩 有序

子之於父母也生能致養有疾而能事之至於久而不懈固難矣及其終也服勞以盡大事而哀感異類則又難觀於翟普林其事蓋可尚已方其躬耕以爲養也既盡婉愉之色以得父母之歡心及父有疾躬爲易燥濕至於久而不解衣親沒哀毀廬墓負土成墳隆冬盛寒惟一單衰不忍衣繒絮蓋哀其親之在土也哀痛之極犬爲之悲號鵲爲之馴狎此豈言語智力所能致哉夫人能孝於其始而不能謹於其終者有焉普林孝行克盡始終如此宜乎當時顯貴其身以爲世勸也

曹縣志

卷十五

御製

二

事親色養且躬耕侍疾猶能盡至誠劬瘁七旬衣不解鄉人咸仰翟先生

親亡廬墓自成墳忍凍哀號不可聞一犬悲啼雙鵲擾高風千古播清芬

咏宋孝子侯義詩 有序

人子於親生能事以禮沒能葬以禮在富室不可以爲難惟貧困不給之家而亦欲盡夫養生送死之禮豈不難哉觀侯義傭人營養痛里人之薄葬思以慰其親一旦母卒書則負土爲墳夜則哀號墓側致妻子困匱不暇顧故其純孝一念感於幽冥瑞應草木馴及蛇鵠化被盜賊豈偶然哉嗚呼爲人子若義者可謂孝矣

傭身事母爲家貧母沒哀號夜及晨妻子嗷嗷從不

給辛勤負土只成墳

瓜生同實木連枝盜賊相卹不忍欺蛇鴿俱馴來繞
護由來純孝感天知

勅諭

明景帝勅諭都察院右僉都御史李秉文四通

勅曰今以待郎劉璉年老難於任劇特陞爾前職在彼代璉參贊宣府總兵等官都督紀廣等軍務操練軍馬固守城池地方遇有警即調官軍相機勦殺仍命爾總督在邊糧儲提督各倉官攢人等依時收放嚴慎關防其有先前私役軍士包納月錢及侵欺錢糧耗損邊儲等項奸弊爾須設法禁革毋致因循苟且蹈前人之愆遺將來之悔凡彼軍馬錢糧利有當與弊有當革者悉聽爾從宜區處應奏來者奏來定奪俱係一應鎮守事務須會同右少監栢玉都督紀廣等從長計議停當而行及

曹縣志

卷十五 勅諭

三

有軍民詞訟爾即受理重則送巡按御史并該管官司依律究問輕則爾就諒情發落務歸至當勿循偏私爾其欽承朕命勉之慎之故諭

景泰二年十二月初四日

勅

勅曰今命爾不妨原管事務兼提督各該管屯屯官員將宣府地方各衛所空閑該屯屯軍餘官舍人等趁今閑暇俱取勘見數候來年春暖之時令其及時用心耕種秋成之後炤例徵收子粒上倉以備支用敢有官豪勢要人等私役軍餘占種屯地者爾即指實具奏挈問治以重罪及將取勘過屯屯軍名數明白奏報毋得稽違又彼處隆慶保安二州所屬人民因寇盜驚散今聞復業者多爾須兼理巡撫督令各該管官司善加存恤分撥田地省令耕種毋或纖毫擾害致令失所爾其欽承朕命毋怠母忽故諭

景泰三年十二月二十日

勅

勅曰近聞邊境軍士除屯田者已有一定地方耕種其操守者無近便田地耕種軍士如此何以足食比先蓋因勢要之家將各近城膏腴田地占為己業每歲役軍耕種收利肥己以致軍士艱難此雖

往事不可不知勅至爾即督同管糧管屯參政副使等官將宣府各衛所總兵等官近城所有莊田從公取勘見數候來春煖之時公同總兵等官計議將各城堡軍士量宜分派督令乘時耕種以贍身家不許勢要仍前占據及不許管軍頭目占種田地數多開私役軍夫撮借官牛妨誤屯田阻害邊事如違悉聽爾具奏處治爾仍將各處取勘過地畝并軍餘數目造冊奏報如勅奉行故勅

景泰三年十二月三十日

勅曰朕以爾公正有為特命爾提督宣府總兵等官督都過興等軍務操練軍馬撫安兵民凡彼守關守城足兵足食安邊禦敵長策爾晝夜用心設法區畫仍與鎮守總兵等官公同計議停當而行事有當奏請者奏來處置毋或頃刻纖毫怠忽有誤事機其總督邊儲并提督屯種等項爾俱依前勅論而行爾其欽承朕命勉之慎之故諭

景泰四年二月二十五日

英宗勅諭都察院右僉都御史李秉文三通

勅曰今命爾往南直隸應天及蘇松常鎮等十一府州并各該衛所總理糧儲兼督屯種其糧儲該起運者令各該委官依期運送京倉及各該水次倉分交納務在從長設法區畫得宜使民不勞困輸不後期該兌軍者令各該府縣官會同運糧軍職照例交兌務在從公措置停當使軍無恣橫民無擾害其屯田事宜爾提督各該衛所官軍依時耕種比較徵收務要正餘糧皆及數就准作官軍月糧如有不敷會計定撥其圩田水利亦須相度整理務合時宜俾無旱澇之患凡舊所行方畧可便官軍經久無弊者爾勿蹈襲宜從改爲其被災之民呻吟未已爾須加意賑恤毋令失所若奸貪官吏及豪強軍民作弊爲非有干糧政者爾即拏送所在官司及付巡按御史處問罪輕則就彼發落軍則解京詳審應奏請者依例奏請凡事便於軍民者聽從宜處置爾爲朝廷掌憲之臣受朕簡命委以江南財賦重寄其必公廉勤慎寬惠詳明於事乃克有濟毋或自懈處置乖方致虧國計以遺民患爾宜慎之茲特勉諭往惟欽哉故諭

天順元年 月 日

勅曰今特命爾巡撫大同一帶地方訓練兵馬撫恤軍士防禦賊寇務要衣甲齊備器械鋒利城堡墩臺修飭完固地方錢糧督理充足禁約官軍頭目不許貪圖財物科剋下人及役占軍餘私營家產違者輕則量情發落重則奏聞區處凡一應邊務事情軍民詞訟及利有當興弊有當革者須聽爾從宜處置該與鎮守總兵等官會同者須從長計議而行朝廷以爾之才堪以委託茲特簡用爾宜勞心殫慮輸誠効忠嚴明賞罰振舉兵威遇有警急爾與各官同心協力相機行事務俾地方甯靜庶稱任使毋得乖方誤事自取罪愆爾其敬之慎之故諭

天順二年 月 日
勅曰朕以爾秉練達老成堪任重寄故特陞都察院左都御史勅至爾即馳驛赴京
天順八年 月 日

憲宗勅諭提督軍務左都御史李秉文

勅曰得爾等奏謂右掖左哨官軍殺敗賊眾斬馘俘獲如右掖左哨之數具見爾等運謀奮勇官軍効

曹縣志

卷十五 勅諭

五

力所致朕甚嘉悅但敵人雖敗而漏殄之餘黨類尚多恐班師之後不無窺伺虛實爾等務在公同計議後長處置何處堪增設城堡何處宜添撥官軍何人勇敢可以守備何人性懦應合更換務使防禦停當然後回京凡事須與彼處鎮守總兵巡撫等官計議而行特諭爾等知之故勅
成化三年十一月初三日

孝宗勅諭巡撫甯夏右副都御史王珣文

勅曰今特陞爾前職巡撫甯夏地方訓練軍馬整飭邊務撫卹軍士務要衣甲齊備器械鋒利城堡墩臺修治堅完屯田糧草督理充足禁約管軍頭目不許貪圖財物科剋下人及占軍餘私營家產違者輕則量情發落重則奏聞區處凡一應邊務事情軍民詞訟及利有當興弊有當革者悉聽爾從宜處置該與鎮守總兵等官會同者須從長計議而行爾宜輸誠効忠嚴明賞罰振舉兵威遇有警急須與各官同心協力相機行事務俾地方甯靖庶稱任使毋得乖方誤事自取罪愆爾其敬之慎

之故諭

宏治 年 月 日

武宗勅諭江西督學副使王崇文文

勅曰朕惟自古帝王治天下者率以興學育材為首務而學較之興廢人材之盛衰治道之隆替繫焉此蓋已然之明驗也今特命爾巡視提督江西各府州縣儒學爾其欽哉夫總理一方之學政是即一方之表率也然率人以正必先正己爾其務端軌範條約公勸懲俾為師為弟子者一崇正學迪正道革浮靡之習振篤實之風庶幾儲養有素而待用不乏期足以稱簡任之意如或因循歲月績効弗彰朕將爾責焉爾其勗矣所有合行事宜申明條示於後其慎行之毋忽故諭

正德 年 月 日

武宗勅諭巡撫保定右副都御史王崇文文

勅曰今命爾巡撫保定等六府兼提督紫荆等關前項地方州縣數多賦役繁重又隣近山西嘗有強

曹縣志

卷十五 勅諭

六

賊不時截路劫人至為緊要爾於無事之時宜練習軍馬修理城池撫安軍民禁革奸弊扶植良善摧抑強暴均平徭役俾民依時耕斂東西二路選委能幹官員調遣官軍民壯遇有強賊黏踪襲迹設法擒捕務令盡絕一應稅糧屯種預備等倉糧尤須加意積蓄紫荆倒馬一帶關口嚴督守備等官毋得私役軍士缺人防守隘口墩臺當剗者剗剗當砌築者砌築與夫官軍餘馬匹器械一切防禦等事悉在綜理齊備禁人砍伐山木毋致道路踈通有警之時即分遣該管官員撫安居民勿致驚疑尤要責令本管官安輯撫諭毋令糾合成羣打劫村落一切保障事宜聽爾便宜處置分守守備等官悉聽節制有司官員廉能幹濟者量加獎勸貪酷不才者從公黜罰軍民人等詞訟即與受理軍職及文職五品以上有犯奏聞區處其餘就民田盜賣并兜攬糧草沮撓軍務者體訪得出具奏處治邊情傳報當會議者須與巡關巡按等官公同計議而行事有與巡按順天等府都御史計議者亦同計議處置毋得偏執己見有乖事體

爾為憲臣受茲委託尤須持廉秉公振肅風紀嚴切行事必使官吏畏威軍民懷惠關口嚴固庶副委任如違責有所歸其勉之慎之故諭
正德 年 月 日

武宗勅諭陝西按察司副使王崇仁文

勅曰今特命爾專一在於臨河岷州等處并文縣階州西故城三所地方往來巡歷提督軍衛有司整飭兵備聽陝西鎮守巡撫官節制務要操練軍馬修理城池墩臺關隘凡士民尤須加意撫治不許官軍侵漁擾害果有賊寇出沒為非爾即公同守備官員一面相機戰守一面馳報鎮守巡撫等官處置所在糧儲亦要用心監督催徵以時出納明白以除宿弊若有軍職賣放軍士不行守把隘口及縱容軍民人等通同賊寇交易買賣許爾徑自參奏拏問爾為憲臣受茲委任尤須盡心竭力以安地方不許獨坐一城有失控及徇私妄為乖方誤事如違責有所歸爾其勉之慎之故勅
正德 年 月 日

曹縣志

卷十五 勅諭

七

世宗勅諭巡撫甯夏左僉都御史王崇獻文

勅曰今特命爾巡撫甯夏地方訓練兵馬整飭邊務撫卹軍士防禦賊寇務令衣甲齊備器械鋒利城堡墩臺修治堅完屯田糧草督理完足禁約官軍頭目不許貪圖財物科剋下人及占役軍餘私營家產違者輕則量情發落重則奏聞區處凡一應事務軍民詞訟及利有當興弊有當革者悉聽爾從宜處置該與鎮守總兵等官會同者須從長計議而行副參守備等官悉聽節制爾宜據誠効忠嚴明賞罰振舉兵威遇有警急須與各官同心協力相機行事務俾地方甯靖庶稱任使毋得乖方誤事自取罪愆爾其敬之慎之故諭
嘉靖 年 月 日

世宗勅諭右僉都御史路可由文

勅曰即日秋深草木枯槁正當燒荒以便瞭望勅至爾毋得怠緩即通行所屬選差乖覺夜不收人遠出哨探果無緊關賊情合行令副參守備等官統領精壯慣戰官軍各炤地方分投布列營陣且哨且

行出於境外或二三百里或四五百里務將野草
林木焚燒盡絕使敵馬不得任牧邊方易於瞭守
斯為克稱委任若出境之時或計慮不周或紀律
不嚴或圍獵貪利或逗遛失期以致猝遇敵人不
能應援或因尋殺零賊別惹釁隙致誤事機甚者
畏避艱險止令巡哨官軍夜不收人等於附近去
處急遽縱火不問然否就便回還虛應故事有一
于此在法俱不輕貸事畢仍將撥過官軍姓名并
燒過地方里數造冊奏繳以憑查照施行惟爾其
慎之慎之故敕

嘉靖 年 月 日

世宗勅諭巡按淮揚監察御史朱綱文

勅曰該戶部題稱各邊錢糧數多姦弊易生欲照例
五年差官查盤今特命爾不妨原務查照該部題
准事理自嘉靖三十七年起至四十二年止吊取
各該收放卷簿到官逐一查盤中間若有侵欺科
剋將軍儲那移別項支用因而埋沒及虧折滯爛
插和虛冒等項情弊應問人員就行提問監追完

曹縣志

卷十五 勅諭

日發落內有給繇陞調離任及脫逃事故等項人
員亦要挨究下落應參奏者奏請施行事完之日
將查盤過銀兩糧料草束及見在官軍馬匹實數
并問過人員追過賊罰各另具奏發落造冊奏繳
清冊一送該部查考一留本處備照爾其欽承之
故勅

嘉靖 年 月 日

穆宗勅諭巡撫河南右副都御史朱綱文

勅曰今特命爾巡撫河南地方修理城池安輯人民
及督理一應稅糧馬草使軍民及時耕種依時輸
納凡遇居民饑荒須設法賑濟其有流民復業尤
須用心安插俾不失所盜賊生發即便調遣官軍
民壯剿捕毋令滋蔓爾宜宣布朝廷德意戒諭軍
衛有司務以安養軍民為心非奉朝廷明文一毫
不許擅科一夫不許擅役官吏有能奉公守法修
舉政務者量為獎勸以禮相待其貪酷不才害人
誤事者從公黜罰若軍職及文職五品以上有犯
具奏區處其餘就便拏送所司究問事有便於軍

民者聽爾從宜處置一切公務俱與三司等官協和會議從長施行毋得偏執自用如遇陝西急缺糧草必須斟酌遠近饋運接濟不可自分彼此爾為風憲重臣尤須公廉勤慎正己率下務使軍民安妥地方甯謐庶副委任如或行事乖方速怨貽患責有所歸爾其勉之慎之故諭
隆慶 年 月 日

神宗勅諭湖廣按察司副使武圖功文

勅曰今特命爾整飭辰常二府沅州等處兵備兼理黎平軍務聽偏沅巡撫官節制邇來苗寇擾害附近州縣爾宜沿江一帶嚴加巡歷務要修整城池操練軍馬如寇出沒為非即率守備武職官員一同擊捕再行馳報鎮守巡撫等官一應軍民詞訟俱從公處置所屬文武職役敢有違玩不法輕則量情懲治重則具實奏爾為憲臣受茲委任尤宜秉公持正率勵下屬務使地方甯靜軍民無擾不許徇情妄為乖方失宜責有專屬爾其慎之故諭

曹縣志

卷十五 勅諭

九

萬曆四十七年九月二十八日

神宗勅諭指揮同知袁一康文

勅曰今命爾以都指揮體統行事守備河間等處地方爾宜查照該部題准事理專管河間等三衛并滄州守禦一所操練官軍舍餘人等申嚴軍令振揚威武時嘗在於河間滄州往來駐劄如遇賊盜竊發聽天津兵備官督發隨方剿捕其各衛所官員敢有強占軍餘人等不行退出操練許爾參奏處治一應軍務聽鎮巡分守等官節制爾尤須奉公守法撫恤軍士使武備振修地方有賴斯稱委任如或貪黷剝削致生嗟怨國典具存決不輕貸爾其慎之故諭
萬曆三十五年 月 日

熹宗勅諭都指揮僉事袁一康文

勅曰今命爾以都司僉書職銜管山東巡撫標下中軍事務專一統領新募標兵官舍家丁三千二百

員名併為營平時統領訓練整飭營陣撫養士馬
精利器械有警隨處應援往來截殺聽巡撫官節
制爾須持廉奉法正己率下副委任如或貪殘
僨事憲典具存決不輕貸爾其慎之故勅
天啟七年十一月二十九日

嘉宗勅諭戶部主事藍近任文

勅曰今特命爾總理山西等處糧草兼理屯種嚴督
各該管糧官員凡收支之際務要出納明白關防
嚴密禁約官吏軍民人等不許包攬侵盜其屯田
炤例清查撥軍屯種不許私役占用軍丁違者悉
聽爾究治干礙六品以下官員就便拏送所在官
司問理應奏請者叅奏處治每歲或開中引鹽并
發銀糴買糧科須斟酌價值賤歲月多寡及地
方緩急從公坐撥分派其糧料務要乾圓潔淨不
許揀和糠粃沙土仍取勘各衛倉廩數目各項糧
料須要坐定厥口隨收隨盤以革奸弊若有勢豪
奸詐之徒通同兜攬侵欺等項情弊炤依部題事
理究治叅奏凡一應合行事宜及遇有警備用不

曹縣志

卷十五 勅諭

十

敷應合區畫措置糧草等項爾即與巡撫官公同
計議停當而行不許偏執自專乖方誤事其腹裏
地方如遇災傷糧草少收到銀兩糴糧尤要公
同巡按御史糴買革去奸弊爾仍遵照炤近日部覆
清查邊費責成餉司事理務要清理軍馬實數覈
糧料虛冒使屯政修舉鹽法疏通民軍無拖逋之
虞奸商釐截攬之弊起時糴買本色按月支給官
軍勘驗出納無容隱占中間有軍伍逃故未曾開
除及按伏出納邊詭名冒給將領藉以侵匿權豪因
而擅利者即據實叅奏以肅法紀必須漸次減省
浮額以裕國計每年終將所轄寨路口堡管餉府
州縣佐貳官及叅遊守備提調等官從公考核有
協心邊計刻意省費者疏名薦揚縱恣不簡旨尅
軍儲者聽爾指實叅究三年滿日差官更替爾受
茲重寄須廉潔奉公砥礪修職果能殫力籌邊節
省浮費儲待有餘即行超擢以示酬獎如或怠玩
失職及畏勢聽囑容情作弊虧損錢糧致招物議
必罪不宥爾其勉之慎之故勅
天啟元年十一月 日

熹宗勅諭陝西按察司副使藍近任文

勅曰今特命爾專管肅州三衛所及金塔平川清水嘉峪等關堡并倉場錢糧巡歷地方整飭兵備禁革奸弊沿邊傾損墻垣務要修補堅厚裁革行太僕寺馬政事務各炤所轄地方悉聽管理其邊內荒蕪田土與官豪勢要侵占逐一查明分給屯丁量給牛種仍嚴禁濫徵以防農業候三年後如果成熟准令各軍自食其力免給月糧此外若有多餘田土亦要設法招種炤前免科俟三年之後或令當軍或令出租臨時聽從民願年終通將開墾過田畝數目造册奏繳清册送部查考所屬軍職敢有貪酷害軍者并聽指實叅究如將官臨陣不前損傷士馬搶擄地方務要遵炤近題事理盡行舉報該道不與將領失事同科或調度失宜容庇遺奸不修實政仍聽督撫按叅處爾尤須持廉秉公正己率下斯稱任使如違責有所歸爾其勉之慎之故勅

天啟七年正月 日

曹縣志

卷十五

特贈

十一

特贈

明孝宗贈吏部尚書李秉文

制曰我國家式稽古典優禮大臣生必隆其秩沒必加之贈者所以獎勵賢勞也故吏部尚書李秉謹樸之資練達之才早擢賢科累陞部屬任都憲而彰禦寇之威晉冢宰而殫銓衡之職遂因衰老以乞歸間安享遐齡條然而逝追念往行宣昭異恩特贈爾為太子少保用篤始終之誼嗚呼建功立業既薦陟于顯庸錫命推恩期垂光於永世膺茲茂典慰爾冥漠

宏治二年九月十八日

懷宗移贈鴻臚寺左少卿劉澤深繼母蕭氏文

制曰人子報本之懷無不先篤於所生迺有情同罔極慶可均霑而彝典適會其逢者廣孝勸志其忍斯諸爾蕭氏乃鴻臚寺左少卿劉澤深之繼母靜足宜家貞能砥志矢匪石於蚤歲代含哺於雛年

唯茲鵷序之光尚秉熊丸之教聿藉勳階之寵兼
申孺慕之私是用覃恩移贈爾爲宜人六珈如被
於萱庭五鼎嘗歆於蒿里
崇禎十二年 月 日

祭河文

明孝宗勅都御史劉大夏祭河文

比因河口衝決地方受害爰命大臣督工修理今
河流順軌民物奠安不賴神功何以致此特此望
祭膺答洪休
惟神鑒之

武宗勅都御史劉愷祭河文

昔因河口衝決地方受害特命大臣督工修理今
河流順軌民居奠安豈人功之能然實神力之是
賴祀事式陳
惟神鑒之

諭祭文

明憲宗遣山東布政司叅議王道祭南京光祿寺卿李

木母太宜人葛氏文

易贊中饋禮記內則爾太宜人率履無忒守節逾
五享年幾百爾太宜人世孰與匹載受誥封粵由
子職載頒卹典粵因子乞靈其歆承永光窀穸
成化十六年六月初五日

憲宗遣山東布政司左叅議尙綱祭南京光祿寺卿李

木文

惟爾性資謹厚發身賢科給事陞廷積有年歲歷
掌符臺而著稱內禁遷卿光祿而効勩南都正委
用之方隆胡嬰疾而長逝訃音來聞遣營葬域仍
賜以祭爾其欽承
成化二十二年九月二十四日

孝宗遣山東布政司左叅政何鑑祭致仕吏部尙書李

秉妻夫人張氏文

惟爾早孀名門克悖婦道相夫蒞官薦躋顯位累
頌褒命用增爾榮宜永壽年胡遽云沒爰循恤典
特賜葬祭爾其不昧尚其歆承
宏治元年閏正月二十七日

孝宗遣山東布政司左叅議蕭謙祭致仕吏部尚書李

秉文

爾發身賢科累任部屬陞都憲而巡撫有方掌內
臺而紀綱益正尋晉位于冢宰遂懇乞于歸休遐
齡僅踰於八旬桑梓優游乎二紀云胡嬰疾遽焉
淪亡爰念往勞特加卹典贈太子少保命有司營
葬用篤始終爾靈不昧尚克欽承
弘治三年十一月初十日

武宗遣山東布政司左叅政熊桂祭致仕都察院右副

都御史王珣文

曹縣志

卷十五 諭祭

爾以篤厚之資通練之材發跡賢科出宰大邑晉
司風紀擢守名邦宣化藩方巡撫邊徼公勤修職
德惠在人晚乞歸田優游自適宜膺壽祉胡遽云
亡計音來聞良用傷悼特賜祭葬以榮始終靈如
有知尚其歆服
正德十二年九月十八日

世宗遣山東布政司右叅政王潮祭致仕都察院右副

都御史王崇文文

爾以端謹之資通毅之識登名甲第進業詞林列
職地官分領國計出專學政教育功多旋掌藩邦
旬宣化洽秩遷都憲惠及畿民既謹撫綏式嚴風
紀方當委任懇乞歸休宜享遐齡以膺晚福奚為
一疾遽至長終爰念往勞特賜葬祭爾靈不昧尚
克歆承
嘉靖五年二月初九日

神宗諭祭右副都御史朱綱文

惟爾持身端慎任重忠勤發迹制科歷官風憲薦
居藩臬並著賢聲泣尹南畿撫巡中土閱歷既久
建樹良多內外咸稱宦績終始無間人言迨懇疏
以致歸廼優游於故里高風共仰哀訃遽聞軫念
老成特頒祭葬爾靈不昧尚克歆承
萬曆 年 月 日

經筵日講官起居注太保保和殿大學士兼吏部尚書翰林院掌院事三等伯臣張廷玉奉
敕敬撰明光祿大夫太子少保吏部尚書李秉謚襄敏傳

秉字執中曹縣人力學少孤舉鄉試第一正統元年
進士授福建延平府推官沙縣豪誣良民爲盜而淫
其室秉捕豪豪誣秉坐下獄副使侯軌直之論豪如
法由是知名徵入都察院理刑將授御史都御史王
文薦爲本院經歷尋改戶部主事宣府屯田爲豪佔
秉往視歸於民而請罷科索邊人賴之兩淮鹽課弊
覺逮數百人秉往覈搜得僞印逮者以白景泰立進
郎中景泰二年命左侍郎劉連督餉宣府發璉侵牟

曹縣志

卷十五

勅襲

一

狀卽陞右僉都御史代連兼叅贊軍務宣府軍民數
遭寇中具患被掠朝廷遣官市牛萬五千給屯卒人
予值市穀種璉盡以畀京軍之出守者一不及屯卒
更停其月餉而征糧甚急秉盡反連政厚恤之軍卒
自城守外悉得屯作凡使者往來及宦官鎮守供億
科斂者皆奏罷以官錢給費尋上邊備六事言軍以
有妻者爲有家月餉一石無者減其四卽有父母兄
弟無妻槩以無家論非義當以一體增給從之時宣
府億萬庫頗充裕秉益招商中鹽納糧科飭戎裝市
耕牛給軍軍愈感悅三年冬命兼巡撫事頃之又命

提督軍務秉盡心邊計不恤嫌怨劾都指揮楊文楊
鑒都督江福貪縱罪之論守獨石內官弓勝田獵擾
民請徵還又劾總兵官紀廣等罪廣許公自解帝召
公還以言官交請乃命御史陳綱給事中嚴誠往勘
卒畱公邊民多流徙公廣行招徠復業者奏給月廩
瘞土木鶴兒嶺暴骸乞推行諸塞軍家爲寇所殺無
依者官爲養贍或資遣還鄉釐諸弊政所條奏百十
章多允行謀報寇牧近邊廷議遣楊俊會宣府兵大
勦公曰塞外諸部牧地非犯邊也掩殺倖功非臣所
敢聞乃止諸部質所掠男婦求易米朝議成丁者予

一石幼者半之諸部槩乞一石鎮將不可公曰是輕
人重粟也如其言予之自請專擅罪帝以爲識大體
天順初詔罷巡撫官改督江南糧儲初江南蘇松賦
額不均陳泰爲巡撫令民田五升者倍征官田重者
無增耗賦均而額不虧公至一守其法尋坐舉知府
違例被吏逮帝以公過微宥之復任清潁墅關稅悉
征米保荒又發內官金保監淮安倉科索罪御史李
固等左遷疏救帝怒將罪之會廷議復設巡撫大同
都指揮孫英先以罪貶職還衛總兵李文安引詔書
令復職公斥之裨將徐旺領騎卒操練公以旺不勝

任解其官未幾大同守備中官陳列久病公請易以羅敷帝責秉專擅徵下詔獄指揮門達並以前舉知府救御史及斥孫英等罪法司希旨斥爲民居三年用閣臣薦起故官涖南京都察院憲宗立進右副都御史復撫宣府數月召拜左都御史成化改元掌大計黜罷貪殘倍於舊明年秋命整飭遼東抵大同邊備至卽劾鎮守中官李良總兵鄭宏失律罪出都指揮裴顯於獄舉指揮崔勝傅海等擊敵鳳凰山捷聞璽書加勞秉乃巡撫宣府大同更將帥申軍令而還未幾命爲總督與武靖伯趙輔分五道出塞大捷帝

勞以羊酒賜麒麟服加太子少保三年冬吏部尙書王翱致仕廷推代者數人帝特擢秉任之秉銳意澄仕路監生需次八千餘人請分別考核黜庸劣者數百人於是怨謗紛起左侍郎崔恭以久當尙書而秉得之頗不平左侍郎尹旻嘗學於秉秉初用其言旻而疏之侍讀彭華附中貴數以私干秉秉不聽怨秉御史戴用請兩京堂上官及方面正佐如正統閒例會廷臣保舉又吏部司屬與各部均陞調不久擅要地且驟遷語侵吏部吏部持之帝令兩京官四品以上吏部具缺取上裁而御史劉璧吳遠馮徽爭請仍

歸吏部帝怒詰責言者會朝覲考察秉斥退者衆又多大臣鄉故衆怨交集而大理卿王槩亦欲去秉代其位乃與華謀嗾同鄉給事中蕭彥莊劾秉十二罪且言其陰結年深御史附己以攬權帝怒下廷議恭叟輒言吾兩諫之不聽刑部尙書陸瑜等附會二人爲奏帝以秉行私變法負任落職秉以太子少保致仕所連鮑克寬李冲調外任邳陵張穆陳民弼孫遇李齡柳春皆罷命彥莊指秉所結御史不能對久之以璧等三人名遂俱下詔獄頃之出陵等實良吏尤不服以讒黜衆議不平連章訐彥莊廷訊陵詞直帝

惡彥莊誣罔謫大甯驛丞方秉之被劾也勢洶洶且逮秉秉謂人曰爲我謝彭先生秉罪惟上所命第勿令入獄入則秉必不出恐傷朝廷體因具疏引咎略不自辯時天下舉子方會試集都下奮罵曰李公天下正人爲奸邪所誣若罪李公願罷我輩試以贖及帝薄責秉乃已秉行官屬餞送皆欷歔有泣下者秉慷慨揖諸人登車而去秉去恭遂爲尙書秉誠心直道險夷一節與王竑並負重望家居二十年中外薦疏十餘上竟不起宏治二年卒贈太子太保諡襄敏子聰明智孫邦直皆舉鄉試彥莊之謫丞也署大甯

縣以科斂爲盜殺並其家被戕逮給事蕭彥莊御史
劉璧馮暉吳遠康永韶刑部主事吳智下錦衣衛獄
乾隆五十一年四月二十七日

山東撫臣丁寶楨跪 奏爲

神靈顯應助順保衛城池籲懇

勅加封號恭摺具奏仰祈

聖鑒事竊照同治五年四月初十日逆匪大股由豫省回竄至曹連陷團寨攻撲縣城勢甚猖獗該縣文武員弁督率兵勇民團登陴竭力守禦當夜風雨燈火全滅賊匪圍攻益力人心正在警惶突見東北城角現有城隍靈佑侯紗燈數十條忽不見旋又於街市見之守城兵民咸知爲城隍神靈顯應助順可保無虞一時人心頓定勇氣百倍守備益形嚴密迨十六日

曹縣志

卷十五 勅褒

六

提督劉銘傳由豫帶兵馳回行抵考境忽有老人叩馬道左言賊匪圍困曹縣請速往救援言畢不見劉銘傳心知其異催兵疾趨及至接仗賊匪大敗竄去城圍始解得保無恙茲據該縣紳士李仙峯等查明該縣城隍廟碑記神爲明臣康茂才抄錄碑文公呈懇求奏請

勅加封號由縣府詳經署藩司盧定勳呈請具奏前來臣伏查例載直省禦災捍患諸神有功德于民者由督

撫疏請

封號等語明臣康茂才蘄州人生時功業載在史籍卒後

追封蘄國公相傳爲曹縣城隍神曹邑由州改縣城隍封爲靈佑侯今復顯應助順保衛城池實屬禦災捍患功德及民合無仰懇

天恩俯賜

勅加封號以酬神佑而順輿情爲此恭摺具

奏伏乞

皇上聖鑒訓示謹奏奉

上諭著加顯應靈佑侯欽此

